

# QVÆSTIO MEDICA.

## QVOD LIBET ARIIS DISPUTATIONIBVS MANE DISCVTIENDA IN SCHOLIS

MEDICORVM, DIE IOVIS XIII. IANVARII M. CAROLO LE CLERC, DOCTORE MEDICO MODERATORE.

An Dysenteria exsiccantia?

709



ORBVS omnis vlcus est, ab ichore mordaci & sordescente ortum solum habens, ab ijs duobus vlcera omnia, & benigna, & quæ proprijs nominibus insigniuntur, Chironia, Elephantia, Cancrofa, Phagedænica, & quæ vltionem suppurantur neque sanantur: quæ sicca iunt ad sanum, quæ humida ad vitiatum propius accedunt; à causis internis omnia, ab externis nulla, neque ea quæ à canis rabidi morsu, neque quæ ab impura venere, cuius lues (quæ hydragryosum sibi habet infensissimam) bibendo & concumbendo de repente contrahi potest, neque quæ ab elephantis, quorum vt diuturna est causæ morificæ generatio, sic repentina formæ impressio. Externa vt cognitis sic curatu faciliora, vino solo, aut aqua repente, interdum & frigida perlanantur. Interna quæ nec nisi ab excretis cognoscuntur, difficiliora; humorum potius qualitate, quam copiam peccantium contingunt, quæ incur prauè affectum habent, vt hydropicorum & dysentericorum, vbi sanies atra, fetida, & facies vini instat, non curanda.



INE dolore intestinorum & vlcere dysenteria nulla, quam efficit pinuita patris, & vtraque bilis, nunquam verò sanguis, quò profundius vlcus eò periculosior; insanabilis verò vbi carunculæ excernuntur: mulieres quam viri, senes & pueri quam iuuenes, & in status vigore consistentes difficiliter curantur; senes tamen ætate iam grandes multi per dysenteriam morbis acutis defuncti sunt, imò & epilepsia: lienosis dysenteria superueniens, bonum; pituitosis vero, malum: si quod tenuium intestinorum exsulum fuerit in propinquo mors est. Estne eorum an crassiorum facile discrimen? si cruor & ramenta ita mixta sint reliquis excrementis vt vniuersa misceantur vniuersis & dolor supra vmbilicum, in tenuioribus intestinis; si vero pingue quid aut spissius solæ supernatent, dolorque sub vmbilico, in crassioribus vlcus est, curatu multo facilius: sibi cauant lentiginosi & balbi ad hunc affectum maxime procliuēs, præsertim verò vbi interperant vino meraciore, aut largo potu aquæ nivalis aut fontanæ, pluuiali multo deterioris sese ingurgitant: nonnunquam mochlica medicamenta, vt scammonium, Colocynthis & Adamantis puluis, nec non vitiosa & acria ingesta alimenta altius ita se in intestinum figunt, vt dysenteriam excitent.



ACILIS est dysenteria in pleuritidem, peripneumoniam, delirium, arthritidem & apoplexiam, eâ multò deteriora, mutatio, vbi præsertim intèpestiue sistitur, quod fieri nusquâ debet nisi in eius affectus iudicatione. Quid audebis vbi febre pestilenti correptis succedit? pauca, aut nulla, ætate præsertim, quâ frequentiores vt Autumno longiores: frustra tanti symptomatis tentatur perfectæ curatio, nisi ad causam antecedentem generalibus subuenieris præsidij, nisi plenitudo secta multoties vena, mediana & saphæna tollatur; nisi purgetur cacochymia etiam initio, myrobalanis, tamarindis, cassia, rheo minime torrefacto, senna; nonnullis sola purgatio sufficit, quibusdam sola sanguinis detractio nullis adiuta sarcoticis: si tenuiora vlcantur intestina purga frequentius, si crassiora enematis crebris aluum proluè absque pinguibus, suillus aut capinus etiam adeps multum nocet.



BI inflammatio extincta, materiæ feritas infracta, sarcosis, opus naturæ non artis, est exsiccantibus promouenda, quæ facultatem mediocritet citraque morum abstergentem permixtam habeant, maiorem tamen quam ea quæ videri dicuntur, quibus ichor saniosus & sanies ichorosa abstergendo defecetur & desiccando abstergeatur: mirum est in rerum natura sarcoticum nullum, hyperfarcotica & epulotica multa, quæ ad id symptoma tollendum omnia in vsum reuocanda, his si non cedat, vomitus si non sponte, medici beneficio exciteur, profluentem enim aluum mirifice, adstringit & exsiccat; initio tamen seu biliosus, seu pituitosus, graue malum.



PAGE tristitia animi pathemata, animum exilara, quidni modesta & moderata venere & calore natium recreat, sopitos spiritus ad dysentericorum leuamen exsuscitat, somnus omni arte procuretur, iulculus multâ lactuâ & semine papaueris medicatis, hordeatis, pilulis de cynoglossio, diacodio, laudano: vt parce cibandum, parce bibendum. è carnibus, selige perdicis, palumbium & leporis; è fructibus, mala punica, cydoniata, mespila, sorba, pruna syluestria: ex herbis, portulacam, plantaginem, symphytum, acetosam vtramque, centinodiam: è vinis, vetus, austerum aurelianense aqua chalibea dilutissimum; lac omne siue crudum siue coctum minifice confert; è remedijs, purgantia omnia blandè iuuant, tabellæ triumphantorum cum Rheo, opiatæ, quæ coralina, mastichem, sanguinem draconis, terram lemniam, & bolum atteniæ permixtam habeant, si vero diuturnitate contumax is affectus ad aquas omnes metallicas, ferratas præsertim, te confer.

Ergo dysenteria exsiccantia. 153

Proponebat Lutetiæ NICOLAUS HELIOT Parisinus, Anno R. S. H. M. DC. XXVIII.

DOMINI DOCTORES DISPUTAVRI.

M. Ioannes Du Cledat,  
M. Nicolaus Roland.  
M. Claudius Quicquebœuf.

M. Thomas Gamare.  
M. Anthoinus Charpentier.  
M. Franciscus Pijart.

M. Ioannes le Mercier.  
M. Michæel Toutain.  
M. Simon le Tellier. M. R.

